

دائرة مخصوصه

در سعادتده باب عالی جوارانده

محل اداره :

مشرق افکار

۱۳۲۶

اخطار :

مسئله مع موافق آثار جدیده مع المنوئیه
قبول اولانور

درج ابدیه بن آثار اعاده اولانور

دیر، فلسفه، علوم، حقوق، ادبیات و سیاسیات و باطالع کرم سیاسی و کرم اجتماعی و مدنی احوال و مشوره اسلامیه و بحث ایدر و هفته ده بر نشر از انور.

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

سنه لکی التي آیلنی

تاریخ تأسیسی

۱۰ تموز ۳۲۴

قیرله دن مقوا بورو ایله کوندریلیر سه سنوی

۲۰ غروش فضله آلنیر

ممالک عثمانیه ایچون	۶۵	۳۵	غروش
روسیه	»	۶۵	۳۵۰ روبله
سائر ممالک اجنبیه	»	۱۷	۹ فرانق

عدد : ۱۰۳

۱۹ شعبان ۳۲۸ پنجشنبه ۱۲ اغستوس ۳۲۶

در دنجی جلد

مطبوعات

مدارس اسلامیہ

یکی غزته رفیقہ مدارس اسلامیہ اصلاحاتی حقنہ یازدینی بندہ کی شو فقرہ شایان دقت در :

برقوم تکامل تدریجی تعقیب ایتک ایچون تقلیدی دکل ، اعتیادات و مؤسسات قدیمہ سنی اصلاحی ترجیح ایتلدرکہ قطعی و مفید نتیجہ لر استحصال ایدہ بیلسون . برکہ مملکتہ زک احوالی دوشونہ لم ، برکہ طلبہ علومک ، صنوف علمیہ نک چفتجی وایشجی قسندن ، کوییلردن طوتہ رق اہالی نک طبقات مختلفہ سی اوزرنده کی تأثیراتی حساب ایدہ لم . اولئر سناہ سندنہ افکار اہالی نک تنویری ایچون نصل تأثیرات اجرا ایدہ بیلہ جکیزی تأمل و ملاحظہ ایلہ لم ، اوزمان مدرسه لریمزک اصلاحی بزم ایچون ہرشدن اول الزم بولوندیغہ قانع اولورز .

رفیقہ مزمک شو فکریہ اشتراک ایلہ شونی دہ علاوہ ایدہ لم کہ ملت اسلامیہ نک وادی انقراض واضع حلالہ طوغرو سوروکلنہ سسک باشلیجہ سببی ، طلبہ علومک تربیہ و تدریساتہ عالم اسلام طرفندن لازم کلن دقت و اعتنائک صرف ایدیلہ رک مدرسه و مکتبلر مزمک خرابہ زارہ دوشوسی در . ایشہ بو بیوک قصورلری نظر اہمیتہ آلہ رق مدارسک اصلاحیہ غیرت ایتک ، تجدید حیاتہ چالیشان ہیئت اجتماعیہ مزمک باشلیجہ وظیفہ سنی تشکیل ایدر .

شہید محترم قومیسر ابراہیم افندی

سالنیکدہ انتشار ایدن « یکی عصر » رفیقہ مزم بر چوق یرلردن آلدینی تلغرافلردہ بالجلہ موحدینک اشتراکی ایلہ محلی جامعلرینک اک کیرلرنده مولد نبویلر قرائت اولونہ رق شہیدک روحنہ اتحاد ایدلدیکنی ، ظالم و وحشیلر تلغین اولونہ رق تأثر و سوزشار کوسترلدیکنی بیاندن صوکر ا دیورکہ :

« وحشیانہ افعال جنایتکارانہ لرینہ ضمیمہ ما کدونیا دہ اغتشاشات تولید ایتک زعم باطلی ایلہ نشریات و تحریکات فسادجویانہ و ملعنتکارانہ دہ بولسان وحشی بلغارلرہ قارشی بوتظاہرات علویہ مناسبتیلہ ، عالم اسلامک مکت و شکیمت معنویہ سی ایچندہ یالکز انسانیتپرورانہ مقاصد پروردہ ایلدیکنی اعلان ایلہ افتخار ایدر و بوتجلیات معنویہ نظرآ بدخواہلرہ عواقبی دوشونک لازم کلدیکنی سویلر ... »

صلیک کیردیکی یرہ ہلال کیرہ مزم

ولایت غزته لرینک اسلامیت و وطن محبتیلہ تمیز ایدلرندن ادرنہ لی «وطن» رفیقہ مزم ، بالادہ کی سرلوحہ ایلہ غرب مدینتندن و بزم جہالتنزدن باحث محررینک تا اعماق قلبندن قریوب کلن بر فریادی درج صحائف ایدیورہ . بعض پارچہ لرینی عیناً آلیورز :

صلیک کیردیکی یرہ ہلال کیرہ مزم ، حکم تلبی حلاقولا قلیرمزدہ چینلامقدہ ! اون اوچ سنہ اولکی آوریپا نہایہ بنہ اودر ! غلادستون اولدیسہ بیکلرچہ شا کرد ، بیکلرچہ وارث تعصب برافدی . انسان اولور ! فکر اولز .

— اوروپا مدینتی عالم اسلامیتک آفتی ! مصیبتی ! فلاکتی ! فقط

کیمدن کیمہ شکایت ؟ ... بو آفتی بز کندیز اوزریمزہ جلب ایتدک ! بونی دعوت ایدن بز ، بزم جہالتنزدر .

بزم ایچین نہ عظیم فلا کتدر نہ مدہش خجالتنزدہ کہ وطنمزی آنلرک پای تجاوزلرندن محافظہ ایچین بنہ آنلرک لطفنہ ، سروتنہ مراجعت ایدیورہ ، آنلردن استعطاف ایدیورز .

ایشہ آلدیغہ مستعمل ایکی زرہلی ایکی دلیل خجالتنز ! ایکی برہان جہالتنز !

قوجہ دولت عثمانیہ برزرہلی اعمالندن برقوت اعدادندن عاجز ! آوریپا دارالصناعہ لری قابولرینی اوزریمزہ قابیلر نمازک شرائط ایفاسندن اولان ستر عورہ ایدہ جک بر بز پارچہ سندن محروم اولہ رق چیر چیلای قالہ جغز ... تکرار ایتکدن کندیز آلمہ بورز : شو ایکی زرہلی دہ الیمزہ کیرمہ نہ یاہ جقدق ! سویلیکز ای قارئین نہ یاہ جقدق ؟

نوقت انسان اولوبدہ ناموس استقلالزہ ، شرف ملیمزہ ہرکس کی ، بولغار قدر ، یونان قدر صاحب اولہ جغز ؟

نہ وقت بو جہالتن یقایی صیبر بر ، نہ وقت بوتون لوازم و احتیاجات مدنیہ مزی بالذات کندی الاریمزلہ تأمین ایدر . اسلحہ قابریقہ لرینہ ، جسم ترسانلرہ مالک اولور ، بویلہ آوریپادن مستعمل زرہلیلر آلتی خجالتنندن قورتولیرسہق ایشہ اوزمان ... !

فرانسہ نک فاسدہ کی اعتسافاتی

قاہرہ دہ منتشر (الوا) غزته سی فرانسه حکومتک فاس امارت اسلامیہ سنہ قارشی تطبیق ایتکدہ اولدینی اعتسافاتدن باحث اوزرن مقالہ تشندہ بروجہ آتی مطالعاندہ بولنیور :

فرانسہ نک تأمین حریتدہ کی مساعیسی کیمسہ انکار ایدہ مزم . بادی سعادت ام اولان حریتک مہد ظہوری اولمش ، ککلات مدنیہ نک منبع فیوضی عد اولمش . حالبوکہ بوکون شو محترم فرانسه کندی زادہ مساعیسی اولان حریت و مدینتی ایاقلر اللہ المقدہ فاسدہ اعتساف فاجعہ سی اوینامقدہ در . بو او یونک عسکرلک و رابطہ اسلامیہ دائر اولان فصللرینی بیترمش و صوکنی تشکیل ایدن وجہ مزجہ باعث اسف اولق ارزہ معلوم بولسان اوچنجی فصلی تمیل ایتکدہ بولنمشدر .

قومیت نظره آلفقسنزین جہت جامعہ اسلامیہ قوت ویرمک و بین المسلمین توحیدک ایلک اوزرہ رابطہ اسلامیہ نک تشدید اولنسنی و اوروپا حکمدارلری آراسندہ اولدینی کی ملوک اسلامیہ آراسندہ دہ عائلہ قرابتی وجودہ کتیرلمسنی اول و آخر سویلیورز . فقط اوروپا دہالری راحت و یرییورمی ، مصل ملوک اسلامیہ آراسنہ تفرقہ تخملری صاحبور و مع التأسف اعتراف ایدہ لم کہ محصولی دہ آرزماندہ طویلیور . زیر اسلام حکمدارلری آراسندہ بوکون بربری چکہ مامک

وہر بری مغرورانہ دیکرینہ متفوق بولندیغہ قانع اولق کی احوال ایشہ بومساعی نک غیرقابل انکار ثمراتیدر . بوکون اوروپا فرانسنہ نک فاسہ اولان صارقتیلغنی جامعہ اسلامیہ نک قوت بولسنہ نسبتلہ اہون بولیور . امیر عبدالحفیظ حضرتلرینک برای تعلیم اردوسنہ ادخال ایلدیکی ترک ضابطلرینہ قارشی فرانسنہ نک کوستردیکی حدت و شدتہ قارشی اوروپا ساکت قالور . فرانسنہ نک بو قدر تلاشنہ عجیب سبب نہ در ؟ شہسزاییکی اسلام حکومتی آراسندہ رابطہ نک کسب تقویت ایتامسیدر . فرانسنہ ، قوجہ علم و مدینت آناسی برقومک حتی اولان ترقیسنہ قارشی